

БОСНА И ХЕРЦЕГОВИНА
Министарство одбране



BOSNA I HERCEGOVINA
Ministarstvo odbrane/obrane

[Handwritten signature]

P R A V I L N I K

**O UPRAVLJANJU MATERIJALNIM REZERVAMA
MINISTARSTVA ODBRANE I ORUŽANIH SNAGA BOSNE I HERCEGOVINE**

Sarajevo, 2015. godine



Na osnovu članova 16. i 61. Zakona o upravi Bosne i Hercegovine („Službeni glasnik BiH“, broj: 32/02 i 102/09) i člana 13. stav (1), tačke g) i z) i člana 15. stav (1) tačka a) Zakona o odbrani Bosne i Hercegovine („Službeni glasnik BiH“, broj: 88/05), *donosim*

PRAVILNIK

O UPRAVLJANJU MATERIJALNIM REZERVAMA MINISTARSTVA ODBRANE I ORUŽANIH SNAGA BOSNE I HERCEGOVINE

POGLAVLJE I – OPĆE ODREDBE

Član 1. (Predmet)

Pravilnik o upravljanju materijalnim rezervama Ministarstva odbrane i Oružanih snaga Bosne i Hercegovine (u daljnjem tekstu: Pravilnik) utvrđuje ciljeve, principe, vrste i obim materijalnih rezervi, definira nadležnosti i odgovornosti nosilaca i uspostavlja procedure upravljanja materijalnim rezervama u Ministarstvu odbrane i Oružanim snagama Bosne i Hercegovine (u daljnjem tekstu: MO i OS BiH).

Član 2. (Cilj)

Cilj Pravilnika je formiranje, zakonito upravljanje i raspolaganje materijalnim rezervama, te razvijanje i održavanje sistema upravljanja materijalnim rezervama.

Član 3. (Definicije)

Pojmovi korišteni u ovom pravilniku imaju sljedeće značenje:

- a) **Sistem upravljanja materijalnim rezervama** je dio sistema upravljanja materijalnim resursima, koji predstavlja jedinstven oblik organizacije, resursa i aktivnosti usmjerenih na formiranje i održavanje propisanog nivoa materijalnih rezervi MO i OS BiH.
- b) **Materijalne rezerve** su materijalna sredstva namijenjena za sistem odbrane, propisane vrste i količine.